


siū hong-kōaⁿ.” Lín kiám chai-iáⁿ chiah-ê jī sī teh kóng siáⁿ-hòe? Tāi-ke lóng tiām-tiām thâu-khak iô-a-iô, oh! Gôan-lâi lín kan-taⁿ ē-hiáu hō-im, m̄-chai teh liām chhut-chhùi..ê sī siáⁿ ì-sù?

Lâi! Lâi! Chù-ì thiaⁿ “Eⁿ--á” chiū-sī chin sè-hàn..ê, tú-chiah seⁿ--chhut--lái ê sè-hàn gín-á (tō-sī “baby”), ài phō tī heng-chéng kā i iô-a-iô! Sioh-a-sioh! Góa thâu-khak kek kah kiōng-kiōng beh phoà--khì, siūⁿ chīn pān-hoat koh ka-jip piáu-chéng, mā cheng-ka kha-chhiú ê tōng-chok, án-ne kiám chai-iáⁿ? “Eⁿ--á?” sī siáⁿ ì-sù? kiám ū lâng chai?” Hó kai-chài ū n̄ng-ê lâng tím-thâu lah, án-ne tō piáu-sī ū lâng í-keng chai-iáⁿ lah! Lâi! “Chheng-chúi” (lâng-miâ) chhiáⁿ lí ēng “Oát-lâm-ōe” hoan-ék hō tāi-ke thiaⁿ, ài khah tōa-siaⁿ leh. Teh siōng-khò ê sî koh ài siūⁿ chē-chē piáu-tát ê hong-hoat, tī tâi-á-téng ê lāu-su ê kám-siū tiōh hák-seng-á pek-chhiat beh ôh kóng hōe-ōe, chin ài kóaⁿ-kín ôh kàu ē-hiáu kóng phiau-chún ê Tâi-ōan-ōe ê sim-chéng.

Bián saⁿ-n̄ng-ē chhiú tō chiong siá tī pèh-pang ê LMJ thák kàu chin hó-sè lah! M-sī teh kā lán ka-kī lâu-khùi, ēng góa kòe-khì kàu-hák ê keng-giām, lán pún-tē ê hák-seng-á hák-sip ê cheng-sîn to bō chiah-nih-á kiōng-liát! Khó-lêng chāi-tē lâng bō gí-giân kō-thong ê ap-lék, tang-sî chiah ôh ē-hiáu lóng bō siáⁿ iàu-kín!

“Tòe góa chhiùⁿ! Kám hó thiaⁿ?” Ū chit-siaⁿ sè-sè-siaⁿ ê siaⁿ-im thôan-lâi góa ê hīⁿ-khang piⁿ, “Lāu-su koh chhiùⁿ chit-pái.” Eh! Ná-chún chin ū hèng-chhù ôh! “Koh tòe góa chhiùⁿ chit-pái, tñg-khì chhù--nih ài hók-sip, ài kì tī thâu-khak lâi, âu-pái lín nā ū io eⁿ-á ê sî tō ē-hiáu kā eⁿ-á phō tī heng-chéng chhiùⁿ chit-siú koh hō lí ê eⁿ-á thiaⁿ, eⁿ-á tō ē tōa kàu chiok kín..ê! Mā ê chin kín tō khùn kàu chin tiⁿ! Lán koh

chò-hóe chhiùⁿ n̄ng-pái kám-hó? Tò--khì ài kā koa-sû kì tī thâu-khak lâi hó-m̄-hó?” “Hó! Hó!”



Mâng-mâng-á Hō

Ông Óan-thêng

Thiⁿ lòh chit-chūn mâng-mâng-á hō, hō-tih chhin-chhiūⁿ bí-liáp-á hiah sè liáp, liâu-liâu-á lòh, bô sòng se, mā bô sòng bát.

Lō--nih ê lâng kin-pún bô teh sìn-táu chit-chūn hō. In bô siūⁿ beh giâh hō-sòaⁿ, mā bô siūⁿ beh chheng hō-i, sin-khu iû-gôan khiā tit-tit, thâu bô lê, kha-chiah bô ku, chhiú mā bô kiu, tiôh án-ne bân-bân-á sàñ-pō kiâⁿ ke-lō, tiôh án-ne tâuh-tâuh-á khiâ in ê o-tó-bái beh tñg khì chhù--nih.

Chéng kúi-kang siuⁿ jòah lah, kui-kang lóng tōa-liáp kōaⁿ sè-liáp kōaⁿ, sin-khu liâm-thi-thi, chin chhiah-iáh. Chiâⁿ bô kán-tan, kin-á-jit chóng-sòng lòh chit-tiám-á hō, kám-kak khah chhiu-chhìn. Sui-jiân bák-kiàⁿ-jîn ū hō-tih, m̄-kú koh khòaⁿ ê chheng-chhó, saⁿ-á-khò hō hō-tih ak tiôh mā bē kám-kak sip-kōaⁿ, kan-taⁿ kám-kak chiok liâng-sóng. Chit-sî, chit-chūn lâm-hong ùi bîn chhoe--kòe--lâi, cheng-sîn koh khah chheng-chhái.

Sóng-khòai ê hong, chhiáⁿ lí kā gún sô-ū ak-chak ê tāi-chì chôan-pō chhoe hō châu; chheng-liâng ê hō, gōan lí kā gún thái-ko ê sim -koâⁿ sé hō chheng-khì liu-liu.

Thiⁿ gôan-châi bông-bông. M-kú, góa í-keng khòaⁿ tiôh tâm-pôh-á jit-thâu ùi kâu- kâu ê chân-hûn lâi-té sô--chhut--lâi, kâ sì- chiu-ûi ê o-hûn chiò kâu kng-siám-siám.